

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio III. De Conciliorum aliorumve Cætuum Ecclesiasticorum utilitate.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

ditemini. Hæc in vestram potissimum gratiam & honorem sunt comparatae; quod enim severius, continentius, sanctius, vitam institutis, eò major religioni honos tribuetur, frequentiora apud nostros homines vitia evanescunt: FRANCISCUS DE JOYOSA, S. R. E., Card. Archiepiscopus Tolos. in *publicatione Concilii Tolos. Anno 1590.* *Conc. Tom. XV. p. 1429.*

XXII.

Frustrè conderentur Leges si in iis observandis vigilans cura non adhiberetur, & de earum observatione nulla ratio peteretur; quare constitutionem *Concilii LATERANENSIS*, quæ incipit *sicut olim*, hæc Synodus secuta, decernit, ut Episcopi per suos, viros statuant, doctrina & vita exemplo probatos, qui sollicitè investigent, an & quando facri Canones, & hujus Synodi Decreta serventur. *Concilium MEXIC. Lib. III. Tom. I. 5513.* (Initium hujus Canonis desumptum videtur ex C. 1. de *Statu Monachorum*. in 6°. quoniam parùm esset jura condere, nisi essent qui executioni debitæ demandarent.)

XXIII.

Qua igitur audacia, ô Sacerdotes! istorum omnium Conciliorum despiceritis Constitutiones? Monachi enim unius hominis Constitutiones tenent, Sancti videlicet Benedicti, & secundum Regulam ejus vivunt, quam si violaverint, corrigitur statim, cum omni humilitate, juxta Abbatis eorum sententiam. Vos etiam habetis Regulam: si vel eam legere volueritis, videritis quid sit vobis constitutum, *Canones ALFRICI n. 34. Secul. X.*

XXIV.

Præcipit quoque, quod omnes Diœcœsanæ Copiam hujusmodi Constitutionum & aliorum Provincialium Conciliorum recipient, & in suis Synodis frequenter publicare procurent, & in suis Dioecesis & Civitatibus faciant firmiter observari: *Concilium ROTOM. Cap. 13. Anno 1335.*

XXV.

Rectores Ecclesiarum quarumcumque, Provincie Turonensis Statuta, in hoc Concilio ordinata, perpetuò, anno quolibet, primâ die Dominicâ Adventus, multisque aliis hic expressis, publicent Populo congregato, & lingua materna explicant sufficienter, dum ibi divina celebrantur: C. 9. *Concil. CASTRIGONT. 336. Concilium ANDEGAV. C. 32. Anno 1365.*

XXVI.

Valde male habet quod Patrum de cattero defecerunt Canones, & omnis accurata Disciplina ex Ecclesiis ejecta est: & timeo nè si hæc progrexi paulum sinatur incuria, in omne confusione genus res Ecclesiasticae redeant. BASILIENS. *Choropiscopis CONCIL. Tom. II. p. 1767.*

Tom. I.

SECTIO III.

DE CONCILIORUM aliorumve Cœtuum Ecclesiasticorum UTILITATE.

I.

AD Synodum Patrum quisquis fuerit evocatus occurrat, nec sanctæ Congregationi se de neget, in qua maximè constituendum esse novabit, quod ad Disciplinam poterit Ecclesiasticam pertinere: melius enim culpa vitabitur, si inter Sacerdotes Domini, collatio frequentior habeatur, & emendationi pariter & caritati plurimum præstat adunata societas: *LEO Epistola IV. C. 5.*

II.

Ecclesiasticæ Disciplinæ debet esse suffragium Congregatio Sacerdotum: nec aliud erit suæ sollicitudinis tam peculiare conscribere, quam quod ad fundamentum Religionis proficerem recognoverit: operari non cessetur, cum Pastoralis cautela propagatur in ovili custodia. Paucorum veneranda Decreta sint salutis publicæ documenta. *Concilium TURON. II. Anno 567.*

III.

Ne qua inter fratres dissensio, ne qua inter præpositos & subjectos sint fomenta discordiae, ad unum convenire Sacerdotes necesse est, ut & de incidentibus causis disceptatio & sit salubris de Ecclesiastica observatione collatio; quatenus, dum per hoc, & præterita corrigitur, & Regulam futura suscipiunt, omnipotens Deus fratribus concordia collaudetur, expectatione Concilii nihil pravum, nihil presumatur illicitum: *GREGORIUS Epistola III. Lib. VII.*

IV.

Nulla penè res Disciplinæ mores ab Ecclesia magis depulit, quam Sacerdotum negligentia, qui contemptis Canonibus, ad corrigendos Ecclesiasticos mores Synodum facere negligunt: *Concilium TOL. IV. Cap. 3. An. 633. CONC. Tom. V. p. 1700.*

V.

Hoc quoque Sanctæ Synodo pulcherrimè & honestissimè placuit, ut, ab hoc tempore deinceps, ad animarum medelam & perturbationum curationem, firmi & stabiles maneant, qui à SS. Patribus, qui nos præcesserunt, suscepit ac confirmati sunt, atque à Deo nobis etiam traditi sunt, sanctorum & gloriosorum Apostolorum nomine: 85. Canones. *Concil. TRULL. C. 2. An. 692. CONC. Tom. VI. p. 1516.*

VI.

Quo plura emergunt in populo Dei noxia & Episcopali diligentia recidenda, ad hoc plures & frequentius necesse est convenire Pontifices, ne Ministerii Sacerdotalis nomen frustrè comprobentur gestare.

A 3

VII.

VII.

Majorum institutionibus contraire, & Sanctorum Patrum Decreta convellere, quid aliud est quam vinculum Societatis CHRISTI abrumpere, & usurpatæ præsumptionis licentiâ totius Ecclesiæ Statum dissipare; C. 4. Concil. TOLET. XII. Anno 681.

VIII.

Frequens Generalium est &c. . . . Cod. de Conciliorum autoritate. num. 8.

IX.

Non dubium est, Sanctissimi Patres, quod optimæ Conciliorum adjutoria ruenti mundo subveniunt, si officiosis, quæ corrigenda sunt, studiis, peragantur. Ideo oportet, ut, quia ore Salvatoris Nostri Domini sal terræ esse probamini, per quos salvationis obtineat lucrum, per quos regenerationis percipit sacramentum; ut diligentia definitionis vestræ ab omni emendata contagio, & ab infirmitatis peste fit liberata, & honorum omnium proventibus gratiosa: ERVIGIUS REX, Praef. Conc. TOLET. XII. . . . 681.

X.

Ex quo, renovato Conciliorum Provincialium usu, certissimum est Christianam Rempublicam ubermos salutis fructus esse percepturam, & quoniam natura & ratione ipsa ducimur, ut in rebus gravioribus deliberandis aliorum Confilia exquiramus: vel quod cautior deliberatio est, si ad nostrum judicium multorum sententia accesserit, vel quia apud illos, quibus consulere maximè cupimus, majorem autoritatem & pondus habet consultatio, in quam plures consenserint. Hujus in Ecclesia instituti autor CHRISTUS Dominus Magistriique Apostoli, Christi promissione, Apostoli exemplo. SANCTUS CAROL. in Concilio Provinciali I. CONC. Tom. XV. p. 243.

XI.

Cum certo certius sit, quod Deus propter orationum instantiam, jejuniorum observantiam & Eleemosynarum largitionem, maximè sua beneficia elargitur, & si quolibet tempore sit pietatis operibus indulgendum, serventius tamen haec fieri debent tempore Conciliorum, quo scilicet tempore nos oportet quælibet Dei beneficia gratiam & misericordiam, & in agendis directiōnem instantiū & devotius implorare omnes & singuli ad Concilium Provinciale convocati, per tres dies antē jam sessionem, plus solito orationibus & Eleemosynis insistentes debeant jejunare. Concil. RAVENNENS. III. Cap. ibid. Anno 1314.

In omnibus Academiis in quibus utriusque Juris studia instituta sunt, Jus Canonicum publicè prælegatur. Concilium BITUR. Tom. XXIX. Cap. 3. Anno 1584.

XII.

Salus Ecclesiæ, terror hostium ejus, & fidei Catholicæ stabilimentum sunt Synodi, quas etiam rectissimè nervos Ecclesiæ dixerimus: negligitis ergo Synodis non aliter Ecclesiasticus ordo defluit, quam si humanum corpus nervis solvatur: Concilium COLON. II. Anno 1547. de Synodorum celebratione n. I.

XIII.

Veterem Ecclesie consuetudinem insequentes, quam Apostoli nobis reliquerunt, & Sancti Patres, quasi per manus traditam, retinuerunt, quoties in fide Christiana dubiæ quæstiones orirentur, aut alioqui aicipti malo Ecclesia periclitaretur, mox Synodus convocarent, & dubias quæstiones ex Scripturis Sanctis, juxta Sanctorum Patrum communem consensum & receptam Ecclesiæ autoritatem Concilium MOGUNT. pref. Anno 1549. circa med.

SECTIO IV.

De NECESSITATE & AUTORITATE Conciliorum.

I.

SPIRITUS Sancti testatur præsentiam congregatio Sacerdotum; verum est enim quod legimus, quia nec potest veritas mentiri, cuius in Evangelio ista sententia est; ubi duo vel tres congregati fuerint in nomine meo, ibi & ego sum in medio eorum. Quid cum ita sit, si nec huic tam brevi numero Spiritus Sanctus deest, quanto magis eum tunc interesse credimus, quando in unum convenit tanta turba Sacerdotum: Epistola CAELEST. in Synod. Ephes.

II.

Sanctum namque est pro debita sibi venerazione Concilium, in quo unique nunc Apostolorum frequentissimæ illius quam legimus, Congregacionis aspicienda reverentia est: nunquam his deficit magister, quem receperant prædicandum; adsuit his semper Dominus & Magister: sed nec docentes à suo Doctore deserti sunt unquam: docebat ille qui miserat, docebat qui in Apostolis dixerat quid docerent; docebat qui in Apostolis suis se confirmat audiri. Hæc ad omnes in commune Domini Sacerdotes mandatae prædicationis cura pervenit: Epistol. CAELEST. ad Synod. Ephes.

III.

Secundum Sanctorum Patrum Canones Spiritu Dei conditos & totius mundi reverentia consecratos, Metropolitanos singularum Provinciarum Episcopos, quibus ex delegatione nostra fraternalis suæ cura prætenditur, jus traditæ sibi antiquitus dignitatis intemeratum habere decernimus; ita ut à regulis præstitutis, nulla aut negligentia, aut præsumptione discedant: LEO. Epistola XII. Cap. 2.

IV.

Quoniam religiosus Sancto Spiritu congregante conventus hortatur, ut quæcumque pro Disciplinâ Ecclesiasticâ necessaria, curâ diligentiore tractemus: HILARUS in Conc. Roman. Anno 461.

Hæc quæ à nobis divina inspiratione tractata vel finita sunt, quisquis excesserit aut implere, quod